

# ТАЛДАМАЛЫҚ АҚПАРАТ

«Сыр медиа» жауапкершілігі шектеулі серіктестігінің сыйбайлас жемқорлық тәуекелдеріне ішкі талдау бойынша

20 наурыз 2025 жыл

Кызылорда қаласы

## 1. КІРІСПЕ БӨЛІМІ

1. Сыйбайлас жемқорлық тәуекелдеріне ішкі талдау объектісі болып «Сыр медиа» жауапкершілігі шектеулі серіктестігінің (бұдан әрі - Серіктестік) қызметі табылады.

2. Сыйбайлас жемқорлық тәуекелдеріне ішкі талдау Қазақстан Республикасы Мемлекеттік қызмет істері және сыйбайлас жемқорлыққа қарсы күрес іс-қимыл төрағасының 2016 жылғы 19 қазандағы №12 бұйрығына және Қазақстан Республикасының Сыйбайлас жемқорлыққа қарсы іс-қимыл агенттігі (Сыйбайлас жемқорлыққа қарсы қызмет) төрағасының 2023 жылғы 16 қаңтардағы №21 бұйрығымен бекітілген (өзгеріс енгізу туралы) сыйбайлас жемқорлық тәуекелдеріне ішкі талдау жүргізудің үлгілік қағидаларына сәйкес жүргізілді.

3. Сыйбайлас жемқорлық тәуекелдеріне ішкі талдауды Серіктестіктің 2025 жылғы 3 наурыздағы №2 бұйрығымен құрылған келесі құрамдағы жұмыс тобы жүргізді.

Әкімшілік және ұйымдастыру бөлімінің  
басшысы, топ жетекшісі

Б. Шайхназаров

Экономика және мемлекеттік тапсырыспен  
жұмыс істеу бөлімінің басшысы, топ мүшесі

Н. Дауылбаев

Аға есепші

С. Арапбай

Зангер

А. Ибраев

4. Сыйбайлас жемқорлық тәуекелдеріне ішкі талдау 10.03-20.03.2025 жыл аралығында жүргізілді.

5. Сыйбайлас жемқорлық тәуекелдеріне ішкі талдаумен 2024 жылғы кезең қамтылды.

## СИПАТТАМА БӨЛІМІ:

I. Талдау келесі бағыттар бойынша жүргізілді:

1) Серіктестіктің қызметін қозғайтын нормативтік құқықтық актілерде (бұдан әрі - НҚА) сыйбайлас жемқорлық тәуекелдерін анықтау;

2) Серіктестіктің ұйымдастырушылық-басқарушылық қызметіндегі сыйбайлас жемқорлық тәуекелдерін анықтау.

## 2. Талданатын объект туралы мәліметтер:

Серіктестік өз құзыреті шегінде 3 облыстық, 1 қалалық, 7 аудандық газеттері басылымдары мен 12 ақпарат агенттігі арқылы республиканың, облыстың оң

имиждін қалыптастыру бағытында мемлекеттік саясатты насихаттау бағытында жұмыс атқарады.

Серіктестік өз қызметін Қазақстан Республикасының Конституациясына және Зандарына, Қазақстан Республикасы Президенті мен Үкіметінің актілеріне, өзге де нормативтік құқықтық актілерге, сондай-ақ Серіктестіктің Жарғысына сәйкес іске асырады

Серіктестіктің жарғылық капиталының мемлекеттік қатысу үлесінің 51% кейіннен сатып алу құқығымен 7 жыл мерзімге «Халық» газеті» ЖШС-на 2020 жылдың қазан айының 15-нен бастап сенімгерлік басқаруға берілген.

Мекенжайы: Қызылорда қаласы, Сұлтан Бейбарыс көшесі, 4 А.

## **II. Серіктестіктің қызметіне, оны ұйымдастыру – басқару қызметін реттейтін құқықтық актілер мен ішкі құжаттарға сыйбайлас жемқорлық тәуекелдерін анықтау.**

Сыйбайлас жемқорлық тәуекелдеріне ішкі талдау барысында жұмыс тобы кодекстерді, зандарды, нормативтік құқықтық актілерді, серіктестік өз қызметінде басшылыққа алатын құқықтық актілерді зерделеді.

- Қазақстан Республикасының Еңбек Кодексі. Қазақстан Республикасының Кодексі 2015 жылғы 23 қарашадағы № 414-В ҚРЗ.

- Қазақстан Республикасының азаматтық кодексі (ерекше бөлім). Қазақстан Республикасының 1999 жылғы 1 шілдедегі N 409 Кодексі.

- «Жауапкершілігі шектеулі және қосымша жауапкершілігі бар серіктестіктер туралы» Қазақстан Республикасының 1998 жылғы 22 сәуірдегі N 220-І Заңы;

- «Масс-медиа туралы» Қазақстан Республикасының 2024 жылғы 19 маусымдағы N 93-VIII ҚРЗ Заңы;

- «Мемлекеттік мұлік туралы» Қазақстан Республикасының 2011 жылғы 1 наурыздағы N 413-IV Заңы;

- «Жарнама туралы» Қазақстан Республикасының 2003 жылғы 19 желтоқсандағы №508 Заңы;

- Сыйбайлас жемқорлыққа қарсы іс-қимыл туралы Қазақстан Республикасының Заңы;

- ҚР СТ 3158-2018 Қазақстан Республикасының ұлттық стандарты;

- ГОСТ 9254-77 Мемлекетаралық стандарт;

- Қызылорда облысы әкімдігінің 2020 жылғы 30 шілдедегі №77 қаулысымен бекітілген Серіктестік жарғысы.

**НҚА талдау жүргізу нәтижесінде қызметтер процестерін реттеу бойынша құқықтық олқылықтар анықталмады. Алайда төменде көрсетілген қолданыстағы заңнама талаптарындағы сәйкесіздіктерге назар аудару қажет.**

Қазақстан Республикасының Бюджет кодексінде квазимемлекеттік сектор субъектілері – мемлекеттік кәсіпорындар, жауапкершілігі шектеулі серіктестіктер, акционерлік қоғамдар, оның ішінде мемлекет құрылтайшысы, қатысушысы немесе

акционері болып табылатын ұлттық басқарушы холдингтер, ұлттық холдингтер, ұлттық компаниялар, сондай-ақ еншілес, тәуелді және Қазақстан Республикасының заңнамалық актілеріне сәйкес олармен үлестес болып табылатын өзге де занды тұлғалар болып табылатындығы көрсетілген.

Ал, Қазақстан Республикасының Бюджет кодексі – бюджеттік, бюджетаралық қатынастарды реттейді, бюджет жүйесінің жұмыс істеуінің, бюджет қаражатының күралуы мен пайдаланылуының, сондай-ақ Қазақстан Республикасының Ұлттық қорын қалыптастыру мен пайдаланудың негізгі ережелерін, принциптерін және тетіктерін белгілейтіндігін ескеру қажет.

Бұл ретте мемлекеттік мұліктің құқықтық режимін, мемлекеттік мұлікті, оның ішінде мемлекеттік занды тұлғаларға бекітіліп берілген мұлікті және занды тұлғалардың жарғылық капиталындағы мемлекетке тиесілі акциялар мен қатысу үлестерін басқарудың құқықтық негіздерін, мемлекеттік мұлікке құқықтарға ие болудың және оларды тоқтатудың құқықтық негіздерін айқындауды және мемлекеттің мемлекеттік мұлікке меншік иесінің құқықтарын және өзге де құқықтарды иеленушінің тиімді жүзеге асыруын қамтамасыз ету зандылықтарын реттейтін Қазақстан Республикасының мемлекеттік мұлік туралы заңында квазимемлекеттік сектор субъектілері ұфымы мұлде көрсетілмеген.

Мұндай сәйкесіздік салдарынан жарғылық капиталының (*немесе акциясының*) 51% қатысу үлесі мемлекеттік емес занды тұлғаға тиесілі жағдайда комплаенс қызметін енгізуде қындықтар туындаиды.

Мысалы: Серіктестіктің жарғылық капиталының 51% қатысу үлесі кейіннен сатып алу құқығымен «Халық» газеті» ЖШС-не сенімгерлік басқаруға берілгеннен кейін Қазақстан Республикасы Қаржы министрлігінен түсіндірме хат сұралған. Қазақстан Республикасы Қаржы министрлігінің 03.11.2020 жылғы №003-КГ/25538 санды хатында «Мемлекеттік сатып алу туралы» Қазақстан Республикасының 2015 жылғы 4 желтоқсандағы Заңына сәйкес тапсырыс берушілер жарғылық капиталға қатысу үлестерінің елу және одан көп пайызы мемлекетке тиесілі занды тұлғаларды кейіннен сатып алу құқығымен сенімгерлік басқаруға беруді қоспағанда.....- деп көрсетілген.

Бұл ретте серіктестіктің жарғылық капиталының 51% қатысу үлесі кейіннен сатып алу құқығымен «Халық» газеті» ЖШС-не сенімгерлік басқаруға берілгендейтін мемлекеттік сатып алу порталында серіктестік тапсырыс беруші болып табылмайды, тек орындаушы ретінде жұмыс жасайды. Осыған орай серіктестіктің бұйрығымен заннама талаптарына сәйкес мемлекеттік сатып алу заннамасын қолданбай серіктестік қажеттілігіне алынатын тауарларға, қызметтерге, жұмыстарға тікелей шарт жасасу арқылы жүргізілуде.

Сонымен қатар, сыйбайлас жемқорлық тәуекелдерін анықтау бойынша мұдделер қактығысын реттеу бойынша да талап қою қын. Себебі, жарғылық капиталының 51% қатысу үлесін алушы тараптың Қазақстан Республикасының азаматтық кодексінің (ерекше бөлім) 888-бабының 1-тармағына сәйкес Сенімгер басқарушының мұлікті дұрыс басқару мақсатында сеніп тапсырылған мұлікпен меншік иесі жасай алатын кез келген іс-әрекетті жүргізуге құқығы бар екендігін ескерген жөн.

Сондай-ақ, бюджет және қаржы қаражаттарын игеру және бөлу бойынша да сыйбайлас жемқорлық тәуекелдерін анықтауда мәселе туындаиды. Серіктестік

мемлекеттік бюджеттен серіктестік қажеттілігіне немесе қызметкерлердің жалақыларына тікелей қаржы берілмейді. Ал, мемлекеттік тапсырыс бәсекелестік ортада конкурс арқылы жүргізіледі.

Мұндай мәселелердің туындауы квазимемлекеттік сектор ұғымының нақты және толық түсінігінің заңнама талаптарында көрсетілмеуі салдарынан болуы мүмкін.

### **III. Персоналды басқару, оның ішінде сыйбайлас жемқорлық тәуекелдеріне шалдыққан лауазымдарды айқындау.**

2024 жылы Серіктестіктің штат саны 207 бірлік болып бекітілген.

Жыл көлемінде серіктестіктің 3 қызметкеріне тәртіптік шара көрілген /А.Манабаева, Н.Дауылбаев, А.Казмаганбетова/. Тәртіптік шаралардың барлығы еңбек заңнамасы бойынша қолданылған.

Жалпы 2024 жылы 61 қызметкер жұмыстан шықса, оның 33-ін шығармашылық өкілдері құраған.

Сонымен қатар, 2024 жылға бекітілген 207 штаттық бірлікті оңтайландыра отырып, қысқарту жүргізілген. Атап айтқанда аула сыпыруши, дизайнер-программист, Сыр бойы (4) және Кызылордиские вести (6) ақпараттық агенттіктерінің барлық штаттық бірліктері, меншікті тілшілер, корректор (КВ), Ақмешіт апталығы ақпараттық агенттігінен шеф-редактор, Ақмешіт жастары ақпараттық агенттігінің тілшісі, аудандық редакциялардың қарауылдары, Арал ауданынан маман, Сырдария, Жалағаш, Қармақшы аудандарындағы ақпараттық агенттіктердің бір-бірден тілшілері, Кызылорда нюс ақпараттық агенттігінің 5 бос орын жалпы саны 33 штаттық бірлік қысқартылып, 2025 жылға 174 штаттық бірлік болып бекітілген.

2024 жылы Серіктестікте сыйбайлас жемқорлық санатына жататын заң бұзушылықтар және сыйбайлас жемқорлыққа қатысты сотқа жүгіну фактілері орын алмаған.

Кадр мәселелерін реттеу барысында құқықтық проблемалар немесе сыйбайлас жемқорлық тәуекелдері анықталмады.

### **Сыйбайлас жемқорлық тәуекелдерін ішкі талдау қорытындылары бойынша айқындалған сыйбайлас жемқорлық тәуекелдеріне шалдыққан лауазымдар тізбесі**

Сыйбайлас жемқорлық тәуекелдерін ішкі талдау қорытындылары бойынша айқындалған сыйбайлас жемқорлық тәуекелдеріне шалдыққан лауазымдар анықталмады.

### **IV. Мұдделер қақтығысын реттеу бойынша:**

Серіктестіктің жарғылық капиталының 51% қатысу үлесі жеке коммерциялық мақсаттағы заңды тұлғаға кейіннен сатып алу құқығымен сенімгерлік басқаруға

берілгендіктен мұдделер қақтығысы болмау қажет деген талапты қолдану орынсыз деп пайымдаймыз.

**V. Мемлекеттік қызметтер көрсету:**

Серіктестікпен мемлекеттік қызмет көрсетілмейді.

**VI. Рұқсат беру функцияларын іске асыру:**

Серіктестікте мемлекеттік рұқсат беру функциясы жүзеге асырылмайды.

**VII. Бақылау функцияларын іске асыру бағыты бойынша:**

Серіктестікте бақылау қадағалау функциялары жүзеге асырылмайды.

**VIII. Бюджет және қаржы қаражаттарын игеру және бөлу:**

Серіктестікке тікелей мемлекеттік бюджеттен қаржы бөлінбейді.

Серіктестіктің қаржылық көздері газет жазылдыру, мемлекеттік тапсырыс және жарнамалық түсімдерден құралады.

Серіктестіктің қаржылық құжаттарына ҚР Қаржы министрлігі ішкі мемлекеттік аудит комитеті Қызылорда облысы бойынша ішкі мемлекеттік аудит департаментімен профилактикалық бақылау 27.11.2023-15.12.2023жж. (қоса алғанда) өткізіліп, 01.01.2021-01.07.2023жж. аралығы қамтылған.

**IX. Жеке және заңды тұлғалармен шарттар жасасу:**

Серіктестіктің жарғылық капиталының 51% қатысу үлесі кейіннен сатып алу құқығымен «Халық» газеті» ЖШС-не сенімгерлік басқаруға берілгеннен кейін Қазақстан Республикасы Қаржы министрлігінен түсіндірме хат сұралған. Қазақстан Республикасы Қаржы министрлігінің 03.11.2020 жылғы №003-КГ/25538 санды хатында «Мемлекеттік сатып алу туралы» Қазақстан Республикасының 2015 жылғы 4 желтоқсандағы Заңына сәйкес тапсырыс берушілер жарғылық капиталға қатысу үлестерінің елу және одан көп пайызы мемлекетке тиесілі заңды тұлғаларды кейіннен сатып алу құқығымен сенімгерлік басқаруға беруді қоспағанда.....- деп көрсетілген.

Бұл ретте серіктестіктің жарғылық капиталының 51% қатысу үлесі кейіннен сатып алу құқығымен «Халық» газеті» ЖШС-не сенімгерлік басқаруға берілгендіктен мемлекеттік сатып алу порталында серіктестік тапсырыс беруші болып табылмайды, тек орындаушы ретінде жұмыс жасайды. Осыған орай серіктестіктің бұйрығымен заңнама талаптарына сәйкес мемлекеттік сатып алу заңнамасын қолданбай серіктестік қажеттілігіне алынатын тауарларға, қызметтерге, жұмыстарға тікелей шарт жасасу арқылы жүргізілуде.

**X. Ақпараттық жүйелерді әзірлеу және пайдалану.**

Серіктестік осы кезге дейін ешқандай ақпараттық жүйелерді әзірлемеген. Серіктестік өз қызметінде есеп-қисап саласына 1С бағдарламасы және кадрлық қызметке «Электрондық еңбек биржасы» мемлекеттік ақпараттық порталы пайдаланылады.

Серіктестіктің интернет желісі Интернет желісіне қолжетімділіктің бірыңғай шлюзіне қосылмаған.

**XI. Талдау объектісінің ұйымдастырушылық қызметінен туындайтын өзге де мәселелер:**

**Серіктестіктің құжат айналымы бойынша:**

**2024 жылы барлығы - 935 (кіріс - 183, шығыс – 665, анықтама – 87)**

Талдау нәтижесінде Серіктестіктің қызметінде қолданылатын нормативтік құқықтық актілерде және ұйымдастырушылық-басқарушылық қызметіндегі сыйбайлас жемқорлық тәуекелдерін тудыратын сәйкесіздіктер анықталмағандықтан сыйбайлас жемқорлық тәуекелдерін жою бойынша ұсыным берілмейді.

**«КЕЛІСІЛДІ»**

**Жұмыс тобының мүшелері:**

**Әкімшілік және ұйымдастыру бөлімінің  
басшысы, жұмысшы топ жетекшісі,  
комплаенс офицері**

**Б. Шайхназаров**

**Экономика және мемлекеттік  
тапсырыспен жұмыс істеу бөлімінің  
басшысы, топ мүшесі**

**Н. Дауылбаев**

**Аға есепші**

**С. Аралбай**

**Заңгер, мемлекеттік сатып алу  
жөніндегі маман**

**А. Ибраев**

Қарау және тиісті шаралар қабылдау үшін ұсынылды:

**Бас директордың  
орынбасары**

**Қ. Сақып**